

MIHIL LHEMHO DOUNA

Simmun 12: September 19, 2026




"Ajieh chu ka galsatna u manchah
hi tahsa a ahi poi,
ahin kulpi suhjalna ding a Pathien
ang a hattah ahi."
(2 Corinth 10:4)



Paul in houbung te ho chanchin het ding atup jing e. Ipi jie hin tem? Kithopi angaichatna u, vil ding le lhamuon ding chuleh tiilkhon ding aum leh hetdoh pai a, bolpih pai ding ati ahi (2 Cor. 11:28).

Mihil lhem ho jie a tahsante phabep kipallhu aum thu jong aja ji'n ahi. Hiti ho hi ajahdoh tieng solchahpu alung phamo ten ji'n ahi (2 Cor. 11:29).

Corinth lekhatot 2na asut chaina lam chun hiche mihil lhemho thudol asun e. Milah a kuon iti hetdoh jieng thei ding ham? Lhagao galsat jing lai a iti idou diu ham? Iti igaljo thei diu ham?



Lhagao galsatna:

- Galsatna ding gal manchah (2 Corinth 10:1-11)
- Melma kuon kivenna pha pen (2 Corinth 10:12-18)



Mihil lhem ho douna:

- Mihil lhem solchah bang kisa a hung (2 Corinth 11:1-15)
- Paul leh mihil lhem ho (2 Corinth 11:16-31)
- Chang kivetchilna le galjona (2 Corinth 12:14-13:10)

LHAGAO GALSATNA





GALSATNA DING GAL MANCHAH




"Ijeh in em itile ka gal manchah ho u hi tahsa gal manchah mai mai ahipon Pathien ding a thilbol theitah kulpi suhsiet theina manchah ahi bouve." (2 Corinth 10:4)

Paul chun lekhatot khaotah asut vang in hangsan joulou le mimo tah hi'n akingoh e (2 Cor. 10:10).

Adonbutna'n Paul in lekhatot a kisun bang a tahsa tah a jong khaotah a natong thei ahi atahlah e. Amavang "*tahsa gal manchah*" (hunam a thutan, tahsa engbolna, chang kichoi-atna, tiho) mangcha a kisuhneo ding anuom pon, "*Pathien ding a thilbol thei tah gal manchah*" bou man ding adei ahi" (2 Cor. 10:2-4).

Hiche "*gal manchah*" chu Christa kineosah le nunnem bang a um ding chu ahi (Mt. 11:29). Jesu bang a dettah a sietna douva um ding (Mt. 21:12-13) chuleh thudih changmel a sei doh ding jong chu ahi (Mt. 23:23-27).



Paul thuneina Christa a kuon ahin, siemphatna din amangcha jing in, suhmangna din amangcha poi (2 Cor.10:8).

MELMA KUON KIVENNA PHA PEN

"Ama le ama kiseipha chu imacha ahipon, Pakai seiphat chu bou thu ahi." (2 Corinth 10:18)


Greek chihgutna mihil hon thiemjil a hung ho sum tampi alaji un ahi. Simlai tampi akimu theina diuvn achihna u, ja achanna u, mi thupi ho ngaisang achanna u, tiho hatah in aseile ji un ahi. Hitobang tah hin Corinth houbung a um mihil lhem hon jong anabol ji un ahi (2 Cor. 10:12; 11:19-20).




Paul in vang chihna thu aseiho sum ngehna'n amang pon, seiphatna lekha akiken pon, kiseiphatna kamcheng ima asuo poi. Hijieh hin musit in ana um kha tai! Iti bol leh ding jou ding ham?

Corinth mite'n asaan theina diuva amasang uva Paul seiphat achan masah ngai abang in ahi. Hinla ama le ama kiseipha ding mi chu ahipon (Prov. 27:2), Pathien a kuon seiphat achan din akoi jo tai (2 Cor. 10:18).

Pathien het le athupieh nit tilou chang kiseiphat le dopsangna thei ipi inei um? (Jer. 9:24; 2Co. 10:17).





MIHIL LHEM HO
DOUNA

MIHIL LHEM SOLCHAH BANG KISA A HUNG

**"Ijeh in em itile amaho chu solchah lhem, lhep lhahna natong, Christa solchah bang a kilep ahibouvui."
(2 Corinth 11:13)**



Paul in Christa din houbung thiengthou tah puilut pih ding atup e (2 Cor. 11:2). Hinla Evi bang in, houbung chu lheplhah bai tah le Jesu mou dia lhinglél in aum go tai (2 Cor. 11:3).

Kichat umpih tah chu ipi hin tem? Juda mi, acham a Jesu *"solchah thupi tah"* hi a kisei lele ho Corinth houbung ahung lut un *"Jesu dang joh"* *"lhagao dang joh"* chuleh *"gospel dang joh"* thudol ahille ta uve (2 Cor. 11:4-5; Gal. 1:8).


Khattouvin Jesu alhangsap vang a Bible in aseï Jesu tahbeh thudol alhangsap tina ahi dieh poi. Athusei u kidang le ngainop um tah himai thei ahi, hinla Satan in thu kidang le loupï tah jong aseï thei in, *"Vantil vah tah"* lim in jong ahung akilang thei e (2 Corinth 11:14).

Mihil dihtah hon chonchan le thucheng in *"Christa thudih"* (2 Cor. 11:9-10) ahille un, mihil lhem hon vang ijakai bolthu in, solchah kisa in thudih lou ahille uve (2 Cor. 11:13-15).



PAUL LEH MIHIL LHEM HO

"Hebrew hi uvam? Kei jong kahi. Israel hi uvam? Kei jong kahi! Abraham chilhah hi uvam? Kei jong kahi."
(2 Corinth 11:22)



Paul leh mihil lhem hon kibahna ipi anei um? Abon un Juda mi Christian tahsanna kisan ahi chieh ui (2 Cor. 11:22).

Akibahlouna u ipi pi um em? Hilai tah hi ahi Paul lungsat kipatna chu: *"Christa lhacha hi uvam? Mingol thusei in sei jieng ing e, kei kaha hi cheh e!"* (2 Cor. 11:23). Midang Christa jal a thuohgim a akingaituo leh Paul in gamcheng a athuohgim joh ahin, suongkul alut tamjo'n, tha dia gih in aum in, kiel le dangchah athuoh in, kuongke atuoh in, hinla houbung din apang tun tun jing e (2 Cor. 11:23b-29).

Paul lungsatna hiva hin akikhong nah nah e. Christa jal a athuohgim aseipap ding anuompon, aloupina dihtah Christa'n ading a abolpih chu joh ahi ati.




Ahatna chu ahatlouna a akimu'i; hichun Christa bouva kingai je ahilthiem e (2 Cor. 11:30-31; 12:6-10).

CHANG KIVETCHIL LE GALJONA

"Tahsan a um mong nahi nah um nang ho kipatep un, nang ho kikhuolchil uvin; nasung uva Christa Jesu cheng chu nakihet doh louvu ham?" (2 Corinth 13:5)

Paul in Corinth houbung avil ding phaata ahung nai tai. Itobang thil hinmu'n tem, chuleh ipi hin lo'n tem? (2 Cor. 13:1-2).




Paul in houthu toh kisai kisuhdihna khaotah a bol ding agel ahi: akisih a chu tundoh kit a, kisihi ding gellouva chu pampai ding ati ahi.

Alung a akikhotuona pen tah chu ahileh, akah u thu baotam le chonsietna a aum lai tah u atuokhah ding chu ahi. Kisihlouva um chonse den ho akapi ding bou agel ahi (2 Cor. 12:20-21).

Hijieh chun Corinth mite din Paul vailhung masang chu chang kivetchilna, kisihi chuleh kisiemphatna phaata ahi (2 Cor. 13:5).

Paul in vang sietna akikhenpi teina diuvn ataopih jing in, phatna a achamkim diuvn atao jing e (2 Cor. 13:7-9).



“Mihil lhem ho leh muthim lhagao lhepna thahat a kuon huoidohna din Pathien mite’n Pathien Lekhabu (Bible) lam angat jing diuvin hilchah ahi uve. Satan in bolthei chan abol in, manchah thei chan amangcha’n, mite’n Bible thu hetna aneilou tei diuvin pan ala’i; ajieh chu het bailam tah a kisun Bible chun Satan duha thuhje asosal pih ji ahi.

Pathien natoh suhhal a aumna chan ah sietna leng chapa din hatah a kihambol a panlahthahna’n apang ji’n ahi. Christa le anungjui ho achaina kheh dia douna din athanei sun apan in, ahung kipan tai. [...] Atah le alhem kibahna asan behseh jie in hetkhen theilou khop hiding, Bible a pansa lou din hetdoh thei hitalou ding ahi. Bible thusei bouva kuon hettuohsahna le bolmo kidang suoh jouse vettuo h le photchiet hithei ding ahi.”

EGW (The Great Controversy, p. 593)